

Universitätsbibliothek Paderborn

Ars Semper Gavdendi

Demonstrata Ex Sola Consideratione Divinae Providentiae Et Per
Adventvales Conciones

Laetitiae Perfectae Artificivm In Conscientiae Recta Efformatione
inuentum, & per Adventvales Conciones expositum ac demonstratum

Sarasa, Alfonsus Antonius de

Antverpiae, 1667

§. II. Hoc verò majores peccatori animos dabit, quòd in hoc throno non
detur nuda scelerum impunitas, sed quòd & Gratia sanctificans infundatur,
& perfecta ineatur cum Deo amicitia.

urn:nbn:de:hbz:466:1-11367

mis misereri scias eos qui Vicariam Christi jurisdictionem obtinent; nouerisque præterea, vt jam ostendimus, idcirco eos ad hoc munus præcipue præ Angelis esse electos, & quidem destinato consilio optimi Saluatoris ex hisce terris ad cœlos ascendentis, vt commodissimum obtainenda gratia peccatoris judicem designaret, eumque quem adire minimus subiret pudor; quis enim Angeli vultus ferret? sanè *ad eam nos thronum gratia*, tam gratiose hominibus contraditum, & sine dubio misericordiam consequemur in auxilio opportuno.

§. II.

Hoc verò majores peccatori animos dabit, quod in hoc throno non detur nuda scelerum impunitas; sed quod ex gratia sanctificans infundatur; & perfecta ineatur cum Deo amicitia.

Gratia scelerum qua à Senatu politico praestatur, res nibil dat præter impunitatem scelerum. **A**lterum tamen est quod non plegeat meminisse, quodque fiduciam nihilominus adeundi throni tam benigni vehementer acuer. Nimurum, sacrum hoc gratia tribunal, non esse forensibus & ciuilibus omnino persimile, in quibus tamen etiam gratia criminibus aut datur, aut à Principe data declaratur. Longè profectò altioris nostrum est ordinis. In illis enim gratia quæ reo præstatur, aliud nihil est, quam criminis commissi impunitas. Nihil verò præterea reo datur, quod Principi à se offenso fiat gratiosus; nihil quidquam ei decoris additur, quod in amicitiam Regis mereatur admittri. Initur quidem aliqua cum offenso reconciliatio, sed quæ negatiua, vt sumnum, dicenda sit; id est eiusmodi, vt pœnas de commissâ in se perfidiâ Princeps post hac sumpturus non sit. At quod ad familiaritatem intimam cum Rege ineundam admittendus sit; quod ad amicitiae adita adhibendus; quod ad secretiora, vt inter amicos fit, benevolentiae signa admouendus; quod diuitiis cumulandus; quod nouis condecorandus sit honoribus, is qui rebellis nuper, perduellionis gratiam accipit, quis id speret? Quis id nisi demens sibi præstandum esse persuadeat? Sanè hæc quæ conceditur vitæ gratia, bona tanta non

non accumulat: multum est scelerato quod detur viuere, licet ei amicitiae honorumque gratia denegetur.

8. Deinde, istud etiam video in humanâ, quæ à Senatu datur, scelerum impunitate potius quam gratiâ, contingere; vt quamvis ea reo obueniat, pœnæque meritæ condonentur, labes tamen commissi criminis non penitus eradatur. Vt enim condonata sit rebelli perduellionis injuria; id est, vt eam puniri non velit Rex; manet id tamen hominum memoriarum alte impressum, rebellem aliquando fuisse te: vnde nescio quæ, non in auctorem tantum, sed & in eius posteros infamia deriuantur reliquæ. Quid, quod & Rex ipse, etiamsi reo perquam familiaris ante commissum scelus fuerit, non æquis adeò vt ante oculis aspecturus sit hominem, cui perfidiâ condonatâ vitæ gratiam fecit; neque nouis eum euenturus sit honoribus, neque ad secretiora adhibiturus consilia, neque sua cum ipso tam fidenter vti solebat diuisurus sit imperia? Et hæc quidem pro humanâ prudentiâ Reges agunt; & sèpè merito & consulto: totaque quam præstant reo gratia, sceleris impunitate & supplicii meriti condonatione circumscribitur. Ad hanc solùm extenditur Senatus politici jurisdictio.

9. At verò longè alia est sacri tribunalis auctoritas. Numquam enim in eo scelerum, quantumvis immanium, impunitatem reus consequitur, quin & in amicitiam cum Deo intimam, tenerimose que offensi Patris admittatur amplexus: & sic non vitæ tantum sed & familiaritatis eximiæ, amorisque cujusdam sinceri gratia tribuitur. Non condonantur itaque scelera, nisi & noua peccatori infundatur Gratia; quæ quia gratum Deo, dignumque qui à tanto Numinе diligatur hominem facit, Gratia dicitur sanctificans: quâ tandem pro sacro hoc Tribunali imbutus, in eam subito miserrimus peccator assurgit dignitatem animæque speciem, vt qui mox fuerat odium Dei, nunc is sit qui à Patre indulgentissimo, tenerimè, & tamen jure optimo diligatur. Ita diserte justificationem omnem institui docet Tridentinum; quam docet, non esse solam peccatorum remissionem, sed & sanctificationem & renovationem interioris hominis per voluntariam susceptionem gratiæ & donorum. Vnde homo ex injusto fit justus, ex inimico amicus, vt sit heres secundum spem vite eternæ. Quid clarius? Vtramque autem hanc Gratiam in hoc throno exhiberi solitam, expressisse vietum Paulus, cum tam amicè invitat, ut ad eamus thronum gratiæ.

Trid. sess. 6.c.6. Probatur ex D. Paul.

Ad Hebr. 4.7.16. Ooo tie



gratiae ut misericordiam consequamur, dicit gratiam inueniamus in auxilio opportuno. Ut quid enim misericordiam à gratiâ distinguit? An forte aliud est misericordiam consequi, aliud verò gratiam inuenire? Est prorsus. Neque differentia hæc Benedicto Justiniano displicet. Inuenire enim gratiam, inquit, Hebræâ phrasí, nihil aliud est quām apud aliquem gratiosum aut esse, aut fieri, & ab eo p̄cipuā quādam benevolentia diligi: misericordia verò, est quādam mali miseriarumque subleuatio. Vtrumque autem quia in hoc throno profusissimè p̄statur, idcirco à peccatoribus, tantis animis adiri eum vult Paulus, ut potè non tantum impunitatem scelerum, id est misericordiam consecuturis sed & inuenturis gratiam, id est sanctificantem Animæ formam & speciem; quā fiet ut in intimos offensi Patris deducenda sit complexus, ejusque familiaritati intimæ, & amicitiæ prorsus sinceræ minimeque fucatae sit adhibenda posthac.

Justinianus in
hunc locum
Pauli.

Oblivisci-
tur penitus
iniqui-
tatis
condonata
Deus.

Etenim, an non istud benevolentia amorisque signum est euidentissimum, quod cum scelerum facta est gratia, ita penitus ea obliterentur, quasi si eorum memoriam Deus ipse amisisset? Enī ut id apud Ezechiem de se testetur. *Si autem impius egerit paenitentiam ab omnibus peccatis suis que operatus est... vitâ viuet, dicitur non morietur.* Ecce scelerum factam gratiam. Eorumdem autem extinctam penitus memoriam nunc accipe. Illico enim subiungit: *Omnium iniquitatum eius quas operatus est, non recordabor; in justitiâ suâ quam operatus est viuet: & quasi si rationem oblationis suæ dare vellet Deus, mox subjicit: Numquid voluntatis mee est mors impij dicit Dominus Deus, dicitur non ut conuertatur ad vijs suis dicitur viuat?* Quid ergo? an esset mors impiorum, si scelerum recordaretur Deus? esset sane. Neque verò quisquam mihi negauerit, aulico & nobili viro, Regisque fauoribus assueto, si forte crimen aliquo justam Principis indignationem incurrit, à quā tandem ei facta sit impunitas, vitaque precariò sit concessa; morte ipsâ crudeliorem futuram vitam, si subiratos Principis vultus quotidiè cogatur aspicere; si se notari oculis; neque consilijs adhiberi persenserit; factique condonati, videat in offenso quondam Principe adhuc perstare memoriam. Sceleris hæc est perennis exprobratio, omnique suppicio durior, quia numquam finienda. Et hic quidem inter homines vulgatus est mos. Idque exinde video prouenire, quod cum inter eos sceleris datur gratia,

10.

Ezech. 18,
v. 21.

v. 22.

v. 23.

tia, amicitiæ tamen gratia non præstatur, nisi admodum superficietenùs & suspectæ. Procul hoc a Deo, Diuinisque est moribus: ita gratiam peccati concedit peccatori, *ut omnium ini-*
quitatum eius non recordetur. An ergo memoriâ excidere? aut *Quid sit*
scelerum
Deus cujusquam potest obliuisci? Minimè vero: physica in Deo
obliuisci
Deum.
non potest dari rerum obliuio, sed moralis. Quæ quidem in
hoc est posita, vti rectè Theologi id explanant, quòd ita post-
hac cum hoc peccatore, quem gratiæ suæ restituit, acturus sit
Deus, acsi nullo vñquam scelerum fuisse implicitus: eaque amo-
ris & benevolentiæ signa præbiturus, acsi numquam amicitiæ
jura fuissent violata. Sic non recordari dicimus injuriæ, cùm
eius memoria amoribus pristinis non officit, & officiis amico
debitis amicitiæque consuetis non intercedit. Non recordatur
modò scelerum à Petro & Magdalénâ quondam commissorum
Deus: non quòd ea nesciat, sed quòd amori, quòd eos nunc
complectitur, ne minimum quidem faciant vitium, neque mi-
nùs cælesti gloriâ recreentur, quām si numquam Diuinam erga
se benevolentiam, peccando interrupissent.

II. *Hæc* cum ita sint, talisque cùm sit scelerum impunitas quæ
hîc conceditur, vt & amicitiam offensi Numinis inuoluat; ne-
que fieri possit vt scelerum fiamus immunes, nisi & ad intimam
Dei amicitiam admittamus, supremosque in aulâ cælesti honores
consequamur; vnde & id fit consequens, vt memoria etiam ip-
sa commissorum scelerum obliteranda sit penitus, neque vllâ ex
parte vertendum sit vitio, aut ab ipsis Angelis sit exprobrandum
id quod amicitiæ diuinæ & honoribus cælestibus viderint non
obesse; profectò animis asturgite peccatores, agamus rem no-
stram vbi agenda est. *Adeamus* inquam imperterritè *thronum*
gratiae *ut misericordiam* *consequamur*, *et* *gratiæ* *inueniamus* *in*
auxilio *opportuno*. In hoc throno jurisdictio est amplissima; gra-
tia præstatur maxima; & qui ei præsident, homines sunt, pec-
catis obnoxii. Atque adeo sunt judices admodum humani; vt
qui nihil humani à se alienum censeant, quia sentiunt.

*Collectio
argumentorum.*